

## كلهم راحوا !

جيت أكبر من سوالف هالزمان .. ويوم جيت  
طار سرب / اتشكلت غيمة من اللهفة ب سماني  
احترامي ل التفاف الغيم لحظة ما يكفيت  
وياعسى ماحاب قلب لفته « طوبية رداي »  
مستعد أتبع مسارات الأحبة بيت بيت  
لأجل مايرقون أبواب الفكر والفكر راي  
وكلهم راحوا .. عسى ماشر باحضانى ارتيمت !  
لين ماصاحت حناجر غربتي بصياح ناي  
وكلهم راحوا .. عسى ماشر شفتك ماجفيت  
علم أصحاب الغصون اليابسة .. تطلب رضاي  
وكلهم راحوا .. عسى ماشر بس انته بقيت  
كنت أعلمهم وفاي .. وجيت أعظم من وفاي .. !

عبدالحميد الدوحانى

كلهم راحوا .. عسى ماشر ولوحدك بقيت  
تعتقد في صدر يوسع هالحزن وانته معاي ؟  
آه يا جرح المسافة » ماعرفت اند نوبت «  
كان تفكيري .. يمر الصبح وانتنفس دفای  
هذا قلبي .. ياعساه يموت يوم اني جفيت  
وانت باحساسك تخلي نكهة الغليون شاي  
في حضورك قلب اخضر بيبني ل هالعمر بيت  
والا يخرب بيت قلبـ مادرى عن ... آيش جاي  
لاتلوم القلب / والغفلة تحلى .. ومادرىت  
لا قفل الفين باب... يطيح بالحوش أصدقاء  
ياكثرهم لادروا انى مع ال .. ..... » سريت  
ويافراغ يتركونه - لا بقى صوتي وصداي  
لا انته .. ما انصدم فكرك وحلقت .. ورقيت  
لين عانقت السحب والنور في قمة فضائي  
في عيونك جرح .. من سواه؟؟ لارغم انك وفيت  
يلعن أم المغريات ان كان خليتك ورائي

## شرفة احزان

او قف على شرفة احزانك وحيد وناد  
ياطير الاحلام لاترقا وريشك قصير  
ما يحملك غصن هالغربه ومالك بلاد  
حزين مثلي .. وما تقدر بحزنك تطير  
وحيد في دربك المنسوج جمر وسهاد  
غريب مثل ابتهالات الفرح للفقير  
لو تشعل الحلم في ليل ابتهالك مداد  
مالاحتمالات نزفك غير صبح ضرير  
تمر فوضى الاسامي .. والاسامي رماد  
في ذاكرة ليك المزروع برد وهجير  
منذور ياطير لا يام الحزن والحداد  
موجوع .. مامر في ليل انتظارك بشير  
لاتستبيح الأماني دام صبرك زناد  
للهم والدموع والغربيه وجمر المصير  
واوقف على شرفة ايا مك وحيد وناد :  
يا حالم الايام لاتكبر وعمرك قصير !

عبدالله الحراثي



## الشمال

هو إختفى في زمزم عيونك الصيف  
أو هو سحاب الليأشوف وفتني ؟  
أو حلم / حلم بایيخ وجمله طيف  
حلم ولا ادري شلون عدل وتجني ؟!  
الله يستر : من لذىذ التخاريف  
ياما وطيت أطرافهم ، أو .. وطنى !  
ما كان بالنيه لهو .. او سواليف  
ما كنت أعرف شلون .. أبضحك واغنى ؟!  
يا صاحبى وإن كان يطرب لك الكيف  
أنا اعذولى للأسف كان ظنى  
السيف فى يدك .. ترى ما هو السييف  
يا صاحبى : من قال ضعفك طعنى ؟!  
ضيفك معزب .. لا غدى معزبك ضيف  
ماكنت اللي تطلب القرب مني ؟!  
من قال لك عشق تبرج به الزيف  
ماله وطن .. وان عاش / عاش إمتننى !  
ما جيتك إلا والغلا .. ضحكته ريف  
مثل الحبابيب ، ودي .. وصعب انى .. !  
مثل الشمال ، ونخوة مابها حيف  
طعت الجنون ، وغبت .. من غبت عنى

مضحي السعیدي